

漢書藝文志鵽冠子一篇在道家又龐煖二篇在從橫家隨志則鵽冠子三卷無龐煖書矣韓退之所見鵽冠有十六篇而陸農師注本十九篇今通行陸注本注多爲玄語雋詞而訓詁則望文生意無所取也鵽冠子楚人當齊威魏惠之世稍在孟子前而其書頗見趙燕未嘗稱楚龐煖爲燕將云其弟子則隨三卷者因合龐煖二篇與其書多言王政唯

與龐言乃及列國攻戰之事退之稱其四稽
以爲有設施今按四稽特觀人之術不足見
其蘊蓄柳子厚又以爲至淺薄則未知所謂
深厚者何也所稱天蒼地膊梁人引用之及
唐以前引據者甚多知非唐僞書而其言王
鈺夜行鉦面前後相照又引用狎漚事非周
人著書之體以其在諸子中差可讀輒手錄
焉乙未四月八日王闔運題

鵬冠子十九篇

明本

王氏

博選弟一

王鈇非一世之器者厚德隆俊也道凡四稽一日天二

曰地三曰人四曰命權人有五至

不能知人可
以其至權之

一日伯

己二曰什己三曰若己四曰廡役五曰徒隸所謂天者

物理情者也所謂地者常弗去者也所謂人者惡以樂

生者也所謂命者靡不在君者也君也者端神明者也

神明者以人爲本者也人者以賢聖爲本者也賢聖者

以博選爲本者也博選者以五至爲本者也故北面而

事之則伯己者至先趨而後息先問而後默則什己者

至人趨已趨

與同勞勩

則若己者至憑几據杖指麾而使則

廝役者至樂嗟苦咄則徒隸之人至矣故帝者與師處

王者與友處亾主與徒處故德萬人者謂之雋德千人

者謂之豪德百人者謂之英德音者所謂聲也

言以名聲亦可

取士

未聞音出而響過其聲者也

人主譽其臣以五至驗之可定

貴者有

知

無知人之鑑無爲貴貴也

富者有財貧者有身

自貴其身故不妄至

信符不

合事舉不成不歿不生

師臣者難故譬之以歿

不斷不成計功而

償

帝王亾是償也

權德而言

至則權之

王鈇在此孰能使營

營惑也

著希弟二

道有稽德有據人主不聞要故端與運撓而無以見也
道與德館而無以命也義不當格而無以更也若是置
之雖安非定也端倚有位名號弗去故希人者無悖其
情希世者無繆其實

悖繆也賓
謂外兒

文禮之野與禽獸同則言語之暴與蠻夷同

希冀也土冀見用或自貶損以師
友而爲廝役以求容於亂世不欲

謂夫君子者易親而難狎畏禍而難劫嗜利而不爲非
時動而不苟作體雖安之而弗敢處然後禮生心雖欲
之而弗敢信

仲

然後義生夫義節欲而治禮反情而辨

者也故君子弗徑情而行也夫亂世者以麤智爲造意
以中險爲道以利爲情若不相與同惡則不能相親相

與同惡則有相憎說者言仁則以爲誣發於義則以爲
許平心而直告之則以爲弗信故賢者之於亂世也絕
豫而無由通豫踊同字異類而無以告苦乎哉賢人之潛亂
世也上有隨君下無直辭君有驕行民多諱言故人乖
其誠能士隱其實情心雖不說弗敢不譽事業雖弗善
不敢不力趨舍雖不合不敢弗從故觀賢人之於亂世
也其慎勿以爲定情也

夜行第三

天文也地理也月形也日德也四時檢也度數節也陰
陽氣也五行業也五政道也陸佃云五政五辰也五音調也五聲

故也

故情也

五味事也賞罰約也此皆有驗有所以然者

隨而不見其後迎而不見其首成功遂事莫知其狀圖

弗能載名弗能舉強爲之說曰芴乎芴乎中有象乎芴

乎芴乎中有物乎窅乎冥乎中有精乎致信究情復反

無貌鬼見不能爲人業故聖人貴夜行

此盜道家言以自託於道

天則弟四

而不言

聖王者有聽微決疑之道能屏讒權實

以五至權其實

逆淫辭

絕流語去無用杜絕朋黨之門嫉妒之人不得著明非

君子術數之士莫得當前故邪弗能奸禍不能中彼天

地之以無極者以守度量而不可濫日不踰辰月宿其

列當名服事星守弗去弭望晦朔終始相巡踰年索歲
用不縵縵此天之所柄以臨斗者也中參成位四氣爲
政前張後極左角右鉞九文循理以省宮眾小大畢舉
先無怨讎之患後無毀名敗行之咎故其威上際下交
其澤四被而不鬲

天之不違以不離一天若離一反還爲物不剗不作與
天地合德節璽相信如月應日此聖人之所以宜世也
知足以滑正略足以恬禍

略猶忽也

此危國之不可安亾國

之不可存也故天道先貴覆者地道先貴載者人道先
貴事者酒保先貴食

備保戰國語也蓋閒民來執事必有保任然後用之

者待物

口也領氣時也生殺法也循度以斷天之節也列地而
守之分民而部之寒者得衣饑者得食冤者得理勞者
得息聖人之所期也夫裁衣而知擇其工裁國而知索
其人此固世之所公哉

同而後可以見天異而後可以見人變而後可以見時
化而後可以見道臨利而後可以見信臨財而後可以
見仁臨難而後可以見勇臨事而後可以見術數之士
九皇之制主不虛王臣不虛貴階級尊卑名號自君吏
民唯有三等階也次者無國不封建也厯寵厯錄錄祿通用副所以付授
與天人參相結連參之者君也鉤攷之具不備故也下之所

遁上之可蔽斯其離人情而失天節者也緩則怠急則

困見間則以奇相御人之情也舉以八極信焉而弗信

天之則也

信伸也八極廣遠可以申天之道而天實不以廣遠爲伸天以法爲則也

差繆之

間言不可合平不中律

平評通用

月望而晨月毀於天珠蛤

羸蚌虛於深渚

虛虧也

上下同離也未令而知其爲未使

而知其往上不加務而民自盡此化之期也使而不往

禁而不止上下乖謬者其道不相得也上絕下撫者遠

眾之慝也

遠方與上絕不通則下有人撫定而有之矣此分國之由

陰陽不接者其

理無從相及也筭不相當者人不應上也符節亾此曷

曾可合也爲而無害成而不敗一人唱而萬人和如體

之從心此政之期也蓋母錦杠悉動者要在一也未見

不得其診

譌診艸書同作尔今刻作譌誤也

而能除其疾也文武交用

而不得事實者法令放而無以梟之謂也

梟博采上色也

舍此

而按之彼者曷曾可得也

冥言易而如言難故父不能得之於子而君弗能得之

於臣已見天之所以信

仲

於物矣未見人之所信

仲於

物也捐物任勢者天也捐物任勢故莫能宰而不天

莫能

宰故莫能不天

夫物故曲可改

曲工人

人可使

動物不可改則皆可使也

法章

物而不自許者天之道也以爲奉教陳忠之臣未足恃

也

待使仍同於物

故法者曲制官備主用也

臣不可恃故恃法也

舉善不

以宵窺拾過不以冥冥決此法之所貴也若礱磨不用

賜

賜字衍誤

物雖詘有不效者矣上下有間於是設防知蔽

並起故政在私家而弗能取重人掉權而弗能止賞加

無功而弗能奪法廢不奉而弗能立罰行於非其人而

弗能絕者不與其民之故也夫使百姓釋已而以上爲

心者教之所期也八極之舉不能時贊故可壅塞也昔

者有道之取政非於耳目也夫耳之主聽目之主明一

葉蔽目不見太山兩豆塞耳不聞雷霆道開而否未之

聞也見遺不掇非人情也信情循生非其天誅逆夫人

僂不勝任也

言情不可伸以無道故不勝任

爲成求得者事之所期也

爲之以民道之要也唯民知極弗之代也

民知所極不可更代也

此聖王授業所以守制也

言封建而授之業所以使民有所極

彼教苦故

民行薄失之本故爭於末人有分於處處有分於地地

有分於天天有分於時時有分於數數有分於度度有

分於一天居高而百卑者此之謂也故聖王天時人之

地之雅無牧能

雅故也不使親故牧治賢能者

因無功多

多有功者也因姻也姻亞

之論功不得居有功者上

尊君卑臣非計親也任賢使能非與處也

水火不相入天之制也明不能照者道弗能得也規不

能包者力不能挈也自知慧出使玉化爲環珞者是政

反爲滑也田不因地形不能成穀爲化不因民不能成

俗嚴疾過也喜怒適也四者凡仞

凡仞未詳

非師術也形嗇

而亂益者勢不相牧也德與身存亾者未可以取法也

昔宥世者

宥治也

未有離天人而能善與國者也先王之

盛名未有非士之所立者也過生於上罪殛於下濁世之所以爲俗也一人乎一人乎命之所極也

環流第五

有一而有氣有氣而有意有意而有圖有圖而有名有名而有形有形而有事有事而有約約決而時生時立而物生故氣相加而爲時約相加而爲期期相加而爲功功相加而爲得失得失相加而爲吉凶萬物相加而

爲勝敗莫不發於氣通於道約於事正於時離於名成
於法者也法之在此者謂之近其出化彼謂之遠近而
至故謂之神遠而反故謂之明明者在此其光照彼其
事形此其功成彼從此化彼者法也生法者我也成法
者彼也生法者日在而不厭者也生成在己謂之聖人
惟聖人究道之情唯道之法公政以明斗柄東指天下
皆春斗柄南指天下皆夏斗柄西指天下皆秋斗柄北
指天下皆冬斗柄運於上事立於下斗柄指一方四塞
俱成此道之用法也故日月不足以言明四時不足以
言功一爲之法以成其業故莫不道一之法立而萬物

皆來屬法貴如言言者萬物之宗也是者法之所與親也非者法之所與離也是與法親故強非與法離故亡法不如言故亂其宗故生法者命也生於法者亦命也命者自然者也命之所立賢不必得不肖不必失一以法齊

之傳子亦是也

命者挈己之父者也

父陸作文

故有一日之命有一

年之命有一時之命有終身之命終身之命無時成者也隨時為法故命無所不在無所不施無所不及時或後而

得之命也既有時有命引其聲合之名其得時者成命曰調引其聲合之名其失時者精神俱亡命曰乖時命者唯聖人而後能決之夫先王之道備然而世有困君

其失之調者也

調本作謂以意改

故所謂道者無己者也所謂

德者能得人者也道德之法萬物取業無形有分名曰

大孰故東西南北之道端

外

然其爲分等也陰陽不同

氣然其爲和同也酸鹹甘苦之味相反然其爲善均也

五色不同采然其爲好齊也五聲不同均然其可喜一

也故物無非類者動靜無非氣者是故有人將得一人

氣吉有家將得一家氣吉有國將得一國氣吉其將凶

者反此故同謂之一異之謂道相勝之謂執吉凶之謂

成敗賢者萬舉而一失不肖者萬舉而一得其冀善一

也然則其所以爲者不可一也知一之不可一也故貴